

آبونه شرائطی : هر رايچون
سنه لکي (۴۰۰) آلتی ایلنی
(۲۲۵) ، ممالك اجنیه ایچون
سنه لکي (۴۵۰) ، آلتی آیلنی
(۲۵۰) غروشدور .

نسخه سی ۷،۵ غروشدور .
سنه لکي ۵۲ عددور .

اداره خانه : باب عالی جاده سنده
رشید افندی خائنده

اخطارات
آبونه بدلی پشیندر .

مسلكه موافق آثار مع المنونیه
قبول اولنور . درج ایدله یین
یازیر اعاده اولماز .

والله یهدی من یشاء الی صراط مستقیم

باش محرر
محمد ماکف

صاحب و مدیر
اشرف ادیب

اتبعون اهدکم سبیل الرشاد

تذکره

آدره سی تبدیلینده آیریجه
غروش کوندرملیدر .

مکتوبلرک امضاری واضح
واوقوناقلی اولسی و آبونه
صره نومروسی محتوی
بولونسی لازمدر

ممالك اجنیه ایچون آبونه
اولانلرک آدرس لرینک
فرانسزجه یازلمسی رجا اولنور .

پاره کوندردلیکی زمان نهیه
داثر اولدینی بیلدیرلمسی
رجا اولنور

اجتماعیات

اجتماعی فوضا لہ قارشئ مدافعہ جارہ لری

بیک درلو آلام وفلا کتار ایچندہ نور احتیاجیلہ قیورانان بشریت ، روح کالی ادراک ایتمک ایسترن حرکات ضلالہ کومولن زوالی مدنیت رھکذارندہ یکی بر افق امید آرا مقبده در . چونکہ بتون دنیا روحسز بر ما کنہ کی حسسز قالمقندن ، دیدیشمکدن ، سفالتدن ، ہپسندن زیادہ مفکورہ سزلکدن مشتکی بولونیور . ہر کون یکی بر انقلاب جہانی صارصییور ، ہر آن یکی بر احتیاج قارشیسندہ تطمیندن عاجز بر حالہ انسانیت سوروکلہ نیور . حرب عمومینک دنیاہ تسلیط ایتدیکی بو موازنہ سزلکدر افرادئ سفاکہ ، بدبختیہ ، عائلہ لری تردیہ ، اخلاقسزلغہ ، آھنکسزلکہ ، جمعیتی کشمکشہ ، ضلالہ محکوم بر اقیور . جہان مدھش بر انضباطسزلق ، مدنیت شایان مرحمت بر وضوحسزلق ایچندہ جیرپینیور .

غربی استیلا ایدن بو دردلدن ہیئت اجتماعہ مزدہ مع التأسف قورتولامامشدر . دیگر اسلام یوردلری دہ عین علتہ معلول بولونیور . شرق ، صاف وزیہ شرق . . . ہیات ا بر زمانلر کونش کی ، علوم وقنونک ، فضیلتک ، عدالتک ، حضور وسکونتک حریمندہ دوغدینی ویوکسہ لیدیکی شرق بو کون کونشک باتدینی ، بشریتک بری برینی یدیکی ، مادی ومعنوی امراض واعراضک بر قبران کی نفوسی بالطلہ لینی غرب قدر مہلک بر یولہ سیاحت ایتمکدہ در ا واقعا سوءادارہ شرقدہ وقت وقت حضور وسکونی ، عدالتی ، سعادتئ ، رفاهی منسلب بر افاقدن خالی قالمامشدی . فقط بونلر ہیچ بر زمان حرب عمومینک تولید وتعمیم ایلدیکی اجتماعی فوضا لردر مؤثر دکلدر .

زیرا حرب عمومی ہر شیدن اول انسانیتک سادہ سیاسی دکل ، اخلاقی ، اجتماعی ، اقتصادی ، روحی موازنہ سنی دہ بوزدی . عمومی حربہ سوروکلہ نن ومغلوب اولان ہیئت اجتماعہ مزکدہ بوموازنہ سزلکک کافی نتایجندن حصہ مند اولسی پک طبعیدر .

شمدی قولایلقلہ قابل تشخیص ومشاہدہ اولان برطاقم تردیات عائلوی ، فردی حیاتمزدن اجتماعی ساحلرہ قدر تخریباتی اجراہ امکان بولمقده در .

چونکہ محتمزی تھدید ایدن ملیونلر جہ میقروبلر ناصل وجودک ضعیف بولندینی زمانی بکلرلرسہ اجتماعی فوضا لردہ ہیئت اجتماعہ مز ایچندہ اجراہ تأثیرات ایچون حیاتک ہالیلایشدینی ، ہر کسک مادہ ومعناً یورولدینی ، مغلوبیت ودائمئ حربلر نتیجہ سندنہ نفوسک ، اقتصادیاتک

خیربالاندینی ، علم وعرفا مہمل قالدینی ، عائلہ لری ضبط وربطدن ، مریلردن محروم بولندینی زمانی بکلرلر .

اساساً ثروت ورفاھک کمال ، صلح وسکونتک استقرار بولدینی ، سیاست دیدی قودیلری یرینہ عام وعرفان مناظرہ لریٹک حاکم اولدینی زمانلردہ تردیات کندینی کوسترہ مز . «مراقبہ اجتماعہ» نک مدھش نفوذ ومراقبہ سی اجتماعی موازنہ نک خللدار اولسنہ مساعده ایتمز . آنجق بویلہ مستننا خادنا تدرکہ موقت اعراض وامراض حصولہ کتیرر . موقت دیپورز . زیرا ، تشکل اجتماعیمز ، بنیہ ملیمزلک استناد ایتدیکی مبدائل اوقدر حصین واوقدر قوتلیدرکہ ہر ہانکی بر بحرانک یرلشمہ سی ، انحلال شکلہ کیرمسی احتمالی موجود دکلدر . آلوررکہ مرضک صورت حصولی ، شکلی ، مبدائی معلوم اولدقندن صوکرہ تداوینسندہ جالیشہ لم . یوقارودہ بالمناسبہ ذکر ایلدیکی وجہلہ بودردلرلہ یالکز بز اوغراشیپورز . بتون دنیا بوفوضا لردن مضطرب بولونیور . فقط ہر کس ، ہر محفل ، ہر متفکر تہلکیکی بارز بر صورتدہ کورمش ، تقدیر ایتش ومجادلہ یدہ باشلامشدر .

بومناسبتلہ غرب عالمک نہ دوشوندیکنی ، نہ کی تدبیرلر اتخاذ ایتدیکنی تدقیق وتعیب ایتک فائدہ لیدر . اولا کوستاولوبونک تعقیب ومدافعہ ایتدیکی خطوط اساسیہ یی خلاصہ ایدہ لم . مومی الہہ کورہ : حرب حیات اقوامک موازنہ سنی بوزمشدر . تہلکہ عمومی وجہلہ نشمولدر . بونک ایچون تخریب ایدیلان جہانک تعمیرئ ، یکیدن یاللسی لازمکیلور . فقط یکیدن انشا واسطہ لری جوق دکلدر . بوبادہ تأسیسات سیاسیہ ربط امید ایدیلہ مز . چونکہ بوتأسیسات علت دکل ، نتیجہ اولدیفندن برملتک ذہنیتی تعقیب ایدرلر ؛ فقط اوکا تقدم ایتمزلر . شو حالہ برملتک وبالخاصہ فکرلری ہنوز قطعی وثابت بر شکل آلامش اولان کنج بطنلرک روحی تعدیلہ مقتدر اولان تأثیرلر ، تربیہ ونظام عسکریہ منحصر در . فقط بونلرک ہپسنک فوقندہ اولہرق دین وقوہ معنویہ موجوددر . دیمک کہ بشریتک اصلا وارستہ قالہ میہ جنی دینی وجہلر مسندی تشکیل ایتک اوزرہ یکی برطرز تربیہ اختیار ایدلملیدر . جہانک بوکونکی وضعیتدہ برملت ایچون بر تربیہ اصولک انتخابی شکل حکومتنک انتخابندن پک جوق مہمدر .

بو طرز تربیہ مدنیتک اوزرینہ مؤسس اولدینی دینی ، اخلاقی اساسلر داخلدہ متمرکز یالکز کوزلری وفکری دکل ، بتون ارادہ یی حرکتہ کتیرہ جک سنجیہ نک والدی اولملیدر . مکتبلر ، خصوصی تدریسات ، قونفرانسلر ، رسالہ لری یالکز بوغایہ یی استہداف ایتلمیدر . قشلہ لردہ اردو ایلہ اعتیادات اخلاقیہ نک تأسیس دہ جوق مہمدر . بودہ اصلا اہمال اولنہ ملیدر . ایشہ برنجی درجہ دہ حائر تأثیر اولان تربیہ ، حیات فردیہ واجتماعیہ دہ مثبت وفیضی اثرلری تولید ایدرکن

دیگر طرفدن بواش یواش شکل طبعیینه رجوعی شه سزاوان اجتماعی موازنه دن بالاستفاده ، اقتصادی ، مالی موازنه سز لکری پیدری اصلاح ایتمک لازمدر ...

« ماق ماهون ، موسولینی کبی حکومت و اجتماعیات آدملری ده عین فکریده بولمقده درلر . صوگ زمانده انکلترده ، عقد اولنان خرسقیانلق قونفره سی دوغریدن دوغری به جهان فوضالریله مشغول بولونیور . اجتماعی مجموعه لک ، افکار عمومی بی تمیل ایدن مهم غزته لک نشریاتی ده جالب نظر دقتدر .

صکرا بوفکری قناعت لک حیات اجتماعی ده تجلی به باشلایان مختلف تظاهراتی شایان تقدیردر . هان هر مملکتده حرب عمومی اثناسنده کهوشه یین « مراقبه اجتماعی » خصوصاتی یکیدن تنظیم ایدلکه باشلامش ، اجتماعی ، اخلاقی جمعیتلر فعالیتلرینی تزید ایتمشلردر . هیئت اجتماعی مدنیت رابطه لرینی جوزن قید سز لقلره ، اخلاقی ضلالتلره قارشو اجتماعی قوه تأییدیه لر غیر کافی کورلمکده ، ینه هان هر مملکتده اخلاقی ، اجتماعی فوضالر حقنده شدتلی احکام وضع اولمقده در . آلمانیده فاحشه لک معین زمانلرده ومعین محللرده آنجق بولیس نظارتی آلتنده سوقاغه چیقا بیلملری تقرر ایتمش ، عمومی سوقاقلرده کزملری منع اولمشلدر .

انکلتزه وبلغارستان قانونلری علی اخلاق سز لقلره قارشو احکامی حاویدر . مکتبلرده تربیه دینه و اخلاقیه به صوگ درجه ده اهمیت ویریلور . بالخاصه ایتالیا مکتبلرینک طرز تربیه وتلقینی تمامیه محافظه کارانه بر ماهیتده در .

بتون بوتظاهراتک استهداف ایتدیکی غایه روحی ومعنوی موازنه سز لکک اصلاحنه معطوفدر . اولکی مقاله لرده عریض وعمیق بحث ایدلدیکی وجهه غربک مختل اولان اجتماعی آهنگی ، یالکزمادیاتله دوزله ویه جکی اعتراف ایدلش بولونیور . چونکه مغنویات و اخلاق احتیاجی بتون دنیاده شدتله کنیدیسی حس ایتدیرمکده در .

کله لم محیطمزه ؛ هیئت اجتماعی مزک بوکون عرض ایتدیکی اجتماعی چهره غربده کی ملت لک اوصافدن هان فرقسز کییدر . یالکزمادیات جهتنده دها چوق قوتسز اولدیغمز جهته بزدده کی سفالت ، ایشسز لک بشقه برلردن دها فضله در .

اخلاق سز لقی ، فحش ، قمار ، مسکرات آله بیلدیکنه ایلروله مش ، صنوف اجتماعی آراسنده کی رابطه لر ، طائله معاشرتی خللدار اولمغه باشلامش ، نسل معنویاتدن اوزاق ، فقط مادیاتدن ده محروم بر حالده مفکوره سز یشامغه باشلامشدر .

بو شرائطک ترقیسی ، تردیاتک دوام و سرایتی ، غیر شهوری ضرب تقلید جیلکی معاذاله جمعیتمزی انحلاله سوق ایده بیلیر . اوزمان بزی قورتاره جق ، غربک ملوناتی اولیه جقدر . بزی بوضالاتلردن آنجق

هیئت اجتماعی مزک اساسات طالیسی قورتارابیلیر . یالکزمادیاتک قوتیدر که بوکونه قسز جمعیتمزی برچوق بحراندردن ، فلا کتلردن قورتارمشدر . فقط بونک انجوندده ، اجتماعی و دینی تربیه نک مفکوره اوله رقی تلقیسی ، مراقبه اجتماعی نک تأسیسی ، اخلاق سز لقه ، فحشه ، ضلالتلره قارشو قانونی و فکری بر مجادله احضاری صورتیه اولامعنویاتمزک ، روحیاتمزک تقویه سی ضروریدر . متساند ، متین بر جمعیتک مادی احتیاجلرینی سرعته تهوین وتأمین ایده جکی شه سزدر . حرب عمومینک تولید ایلدیکی مادی و معنوی فلا کتلره قارشو هیئت اجتماعی مزکی حیاتلاندیراجق ، مجاهده ملیه ایله قابلیت حیاتییه سی اثبات ایدن ملتیمزی جهانک تردیاتندن محافظه ایده بیله جک یکانه چاده خلاصی یالکزمادیاتمزه صاریلقمده بولویورز .

مسی حکمت

غرب مدنیت جیلکی

برمدتدن برو وطنمزک عقل خواجه لکی کرسیسندن ملتیمزه درس عرفان ویرن مبعوثلرمزک ، معلملرمزک ، غزته جیلرمزک دوداقلرینک آرسنده ، قلملرینک اوجنده دولاشان « غرب مدنیت . جیلکی ، آوروپا مدنیت جیلکی ، کبی تعبیر لک ، مدلول به لرینی بردرلو آکلایه میورم .

« مدنیت » تعریف معلومیه « عمومی رفاهی تأمین » دیمکدر . « رفاه » مفهومنده ایسه ثروت ، امنیت ، صحت وسهولت معیشت معناری مندجدر . بومنفعتلرک دوردی بر آرایه کلینجه « سلامت عمومی » تأمین ایدیلش اولور : ایشته مدنیت ...

عمومی سلامتک تأمین ، دها طوضروسی ، بر اولمکده « نعمت مدنیت » ک استقراری اول امرده تربیه ملیه ایله ، ثانیاً سی ملی ایله قابلدر . تربیه ملیه نک غربی ، جنوبی ، جهات اربعه سی یوقدر . بو تربیه نک منبعلرینی بر ملتک سیاسی تاریخندن دها اوزاقلرده ، ملیتک ، دیانتک منشألرنده آرامق لازمدر . قبل تاریخ رزمانه قادر اوزانان اسکی بر قومک تربیه سنک اساسلرینی ده اوله کربلرده آرامقله برابر اوملتک عصرلردن برو منسوب اولدینی دینک ، اعتقاداتک او اساسلره شدت تأثیرینی ده تدقیق ایتیلیر . آناطولیونک سنی تورکریله ایرانده کی شیعی تورک لک ، قریمده کی قراشم دینلن موسوی تورکریله آسیای چینیه ده ایوم بقالیسی موجود شامانی تورک لک تربیه عرقیه واساسیه لری باقی قالمقله برابر منسوب اولدیقلری دینلرک بو اقوامک اطوار و اخلاقک اختلافنده نه درجه بارز برعامل اولدینی پک قولای آکلایلیر . بو ایکی تأثیر آلتنده قالان ملی تربیه نک آوروپا لیلشامسی ، غربیللشامسی